

Notat frå reisa til OTC (Offshore Tecknology Conference) i Houston mai 2019

Deltakarar: Fylkesvaraordførar Pål Kårbø, Hordaland, Fylkesvaraordførar Åshild Kjelsnes, Sogn og Fjordane samt seniorrådgivar Arthur Kristian Arnesen, Hordaland.

Greater Stavanger og HRG meetings & Events arrangerte turoplegg for den norske delegasjonen som i alt besto av ca 275 delegatar. Om lag 75% av desse var frå næringslivet, medan det var 11 ordførarar/varaordførarar frå kommunar og fylker som var representert. Deltakarane kom frå alle deler av landet.

Sjølve messa starta måndag 6. mai, men det var lagt opp til program gjennom helga, slik at delegatane fekk bli kjende og mogelegheit til nettverksbygging.

Laurdag 4. mai var det lagt opp til besøk på Houston Museum of Natural Science. Dette museet satsa stort på undervisning både mot grunnskule og høgare utdanning og det var ei målsetting at alle skuleborn i Houston skulle ha minst eit undervisningsprosjekt i regi av museet, oftast fleire. Det er også mogeleg å ta korte og lengre nettbaserte kurs for vaksne worldwide. Museet la vekt på å vise korleis jorda si historie har vore, er og korleis ein må finne løysingane for eit fossilfritt samfunn.

Om kvelden var det samankomst for den norske delegasjonen utandørs på hotellområdet.

Søndag 5. mai starta ein med Kick off samling på hotellet der alle fekk oppdatert informasjon og briefing om konferansen, samt utdeling av adgangskort for messa. Fleire av regionane fekk også høve til ein kort presentasjon og dei to fylkesvaraordførarane presenterte korte fakta om det kommande Vestland, samt litt om omfang, kompetansemiljø og bedrifter som finns innan petroleumsnæringa i Hordaland og Sogn og Fjordane.

Resten av søndagen var det mogeleg å delta i ulike arrangement og tilstelningar frå båtcruise i Galveston Bay, til besøk i Sjømannskyrkja eller tur til Nasa sitt besøkssenter.

Måndag 6. mai starta med Norsk delegasjonsfrokost på hotellet, organisert av Greater Stavanger, ONS Statsekretær i Olje og Energidepartementet, Liv Lønnum opna den faglege delen. Deretter kom ei rekke foredrag:

Professor Steven Klineberg, Kinder Institute «Propetic City: Houston on the Cusp of a Changing America»

Kenneth Medlock, Baker institute, rice university «The Evolving US Role in Global Energy»

Dr. Svetlana Ikonikova, Bureau of Economic Geology, University of Texas at Austin «The latest on Shale developments»

Marianne Kaht, Advisory Board Member and Adjunct Senior Research Scholar Columbia University Center of Global Energy Policy «Changes in the US energy Market – as drien by Market forces»

Jan Eckhoff, NORWEP Country manager USA og Sven Fredhaus, NORWEP Country manager Mexico « Market update – Opportunities for Norwegian Industry in Gulf of Mexico»

Deretter hadde Equinor eit seminar om sine operasjonar i Nord America; US land, Offshore GOM, Offshore Canada og renewables

Etter dette var det transport til messeområdet der vi besøkte den Norske paviljongen. Her gjekk vi tre frå kommande Vestland ilag og besøkte bedrifter frå Vestlandet. Sjømannskyrkja hadde ansvar for mathjørnet og det var mange som sette pris på alle dei heimelaga kakene, som også vart ei god inntektskjelde for kyrkja.

Om kvelden var vi invitert på mottakelse hos den norske Consulen, Morten Paulsen, før vi avslutta kvelden med middag arrangert av SR-Bank.

Tysdag 7.mai starta med teknologi frokost seminar på hotellet, arrangert av GCE Ocean Technology, Energy Valley og GCE Node

Her vart det halde følgjande foredrag:

John Macleord, CTO Aker Solutions «Keynotes»

Arne Kjørsvik, CEO Eelume, «Eelume ready for subsea operations»

Magne K Husebø, CEO Xsens Flow og Olav Sylthe CTO FutureOn som begge fekk fortelje om sine bedrifter som hadde vunne Techology Award pris på Norwegiona OTC 2019.

Tilslutt fekk vi to spennande presentasjonar frå to oppstartsbedrifter frå Norge, Dmitri Gorski i Havelock og Marit Bjerkreim i RagnaRock

Etterpå gjekk turen til messeområdet, der vi frå Hordaland og Sogn og Fjordane vart guida av representantar frå GCE Ocean Technology til bedrifter som har tilknytning til våre fylke.

Om kvelden var vi på Equinor si mottaking. Her fekk Åshild eit hyggeleg gjensyn med Hove som er Equinor sin sjef for Houston kontoret. Han har sine røter frå Sogndal og snakkar varmt om Fjøra.

Onsdag 8. mai var Hordalandsdelegatane på bedriftsbesøk hos TGS medan repr frå Sogn og Fjordane var på messa og besøkte ulike stands.

Om kvelden var vi samla på the Norwegian Evening Dinner, som er arrangert av det norske handelskammeret. Her fekk Bente Nyland, direktør i oljedirektoratet påskjøning for sitt lange arbeid innan sektoren.